

सब्द सोनो चितर : विलियम दे विंक

येसु खिष्टपाई

ये
सु
•
खि
ष्ट
पा
ई

समयलाव पाईरानी ओचाहित ल्यो सास्तर





परमेस्वरए ओचाकन्या : चाउ था एज्याव,
पाखात मारुसिन्या परमेस्वरए ओचाकन्या ।
(पाना नं ५)

असिक : परमेस्वरए उयुंलाव मिताव
दोज्यावरालाइ एव ओपैज्याव चाउ थोकर ।



बाइबल : जे बाइबलल परमेस्वरए
मिरालाइ ओरादोज्याव मया सोनो मिराइ
जुनी ओदोज्याव यनर दैन्या जेले ।

प्रभु भोज : येसुए उसिसराइ येसुए कूसत
सिन्या मिताव दुखर ओदैव लाइ चेतैद
भरेस केद, खुरीनी सिप याओज्याव ।
(पाना नं ४९)



कूस : दुख एन्याए जुनी जैसिव वस्त, नत
येसु ओइछ्छनीज तङ्गैसिनिके । येसुए उछ्छित
बाज्यावरालाइ आव तोबो चिनाज ।
(पाना नं २५,५०)



सिस : येसुए उछ्छित बाज्यावर
(पाना नं १८)

इस्तर : येसु सिउनी सैसिद ओसोव
छयामकावलाइ चेतैद मानिन्या दिन ।
यहरदीराए आउ छयाम निस्तार पर्व पाला
मानज्यार । -पाना नं ३८-५४)



अजम्बरी जुनी : येसुस बाँचिन्या हैलिद
परमेस्वरए थ रैद ओनैव जुनी । आउ
सिन्यालाइ हारैदकाव खर्क ज माखेन्त्या
जुनी ज । (पाना नं २३,२९,३०, ५९)

युं हुब्न्या : परमेस्वरए गेक्याँत दोन्या है
ओल्यो यनदा युं हुब्न्या । (पाना नं ५८)



क्षमा एन्या : गे सुज क्षमा दैन्या स्यासोर
गेमाले । हिताव व परमेस्वरए गेलाइ क्षमा
यासिज्याव ।

नुं साचोज नदोव माचाहिव यनरानी क्षमा
निद, आबकिन ओल है लिज्याव मिताव
जुनी बाँचिन्या नपैकिन परमेस्वरए नुंलाइ
क्षमा यानिज्याव । गेजुनी येसुए दुखर सोनो
सिन्या सजार घुर्दयासिक्यो । हैजैद गेलाइ
गेदोव माचाव यनराली पाला क्षमा
यासिदुज्याव । (पाना न. ५८)

परमेस्वरए ओराज्या : जोल मिराइ
परमेस्वरए ओपाँ भैद होज्याव ज जैज्यार,
नोज परमेस्वरए ओराज्या ।

छैव पुरुस : येसुए ओपाँत बाज्याव मिरास
ताज्याव छैव पुरुस । -पाना नं ५८)

येसु : परमेस्वरए ओजा, नोए ओअर्थ :
परमेस्वरए बाँचैसिज्याव ।

मसिह : अभिसेक दासिव राजा "खिष्ट" । -
हिब्रु खामनी ग्रीक खामल उल्या जैसिउ)

पोंखारिन्या : चोइस तादिम, माथोस तादिम
परमेस्वरस पाँन्या ।

सिउनी सैसिन्या : येसु सिउनी सैसिद सोके ।
तछा पाइँलाइ सिउनी सोचैन्या ले । हजैद
परमेस्वरए पाइँए डैत न्या दोन्या ले ।

फरी हुन्या : येसु फरी उहुक, आव नाम नम
पाइँज सारो तान्या ले । परमेस्वरए पाइँज
सारो जैन्या ले ।

सैतान : मिँए मारुसिन्या परमेस्वर सोनो
मिराइ सुतर । नोलाइ दुस्त पाला है दोज्यार
पाप : परमेस्वर ए मादोन्या है ओल्यो यनर
सोनो गेक्याँत दोन्या हैलिद थ रैद ओनैव
यननी गेलाइ तुँदा लाँज्याव ।

परमेस्वरए ओजा : येसुए उमिन । नो आव
मानवात मिँ मिनिसद हुव परमेस्वरए ओजा
ज ।



येसु खिष्ट सु ?

येसु खिष्ट २००० बर्ष डादा इस्रायलल ओलेव । गे नोलाइ येसु खिष्ट है गेदोज्या । नो तोबो राजा वाज माताद, परमेस्वरए ओजा पालाज । येसुलाइ परमेस्वरए ओजा सोनो मिँरु ओजा पाला है गेदोज्या । येसुए ओजीवनलाव इतिहासर बाइबलल सर्सिउ लिज्या । आउ तोबो घेउव सास्तर ज ।

येसुए ओसमय

गेमी इतिहास येसु उजर्मिउ छयामकिन ज सुरु ताज्या । नो जमानाल मिँर कि याखुँनी, कि घोरा खचर, चेप्द आदाहोदा यालिज्याव । नाबेला युरोपलाव खास पोर, मध्य पूर्व, सोनो उत्तर अफिकारालाइ रोम देसए उमिँ जैद ओरानैज्याव । कुधु मिँराइ परिन्या सोनो सन्या यामासैज्याव । इस्रायललाव यहुदीरालाइ पोस्तोकोलाव मिँर है यारादोज्याव । परमेस्वर पोस्तोकोरानी पाँज्या । नो पोस्तोको धर्मसास्त्र बाइबल ज । आव रैज्याव, लिज्याव भरी जैज्याव ओलज । हैजैद नो पाईँस खैज्याव, नै जैसिउ पैँज्याव । इताव रोर परमेस्वरए गेडाकज सतैँद नैद यासिउ ।





येसुए ओसमयकाव इस्रायल देस

राजधानी : यरुसलेम

घेउव प्रान्त : गालील, सामरीया, यहूदिया

फइलिउ : लगभग २८००० कि.मी.

(१०८१० मील)

मौसम : उष्ण मन्सुनी हावापानी

राजनीतिक : येसु मिँ मिन्सिद आउ नामल

उहुज्याव (६३ वि.सी) डादाकिनजइस्रायलल

रोमीराए याहक जमैद यानैज्याव ।

सरकार : रोमी सरकारलाव पोन्तियस पिलातुसए
इस्रायलल सासन ओचलैज्याव,तिबेरियस फरी नोए
ओडैताव ओल्यो ।

धर्म : यहूदी धर्म । यरुसलेमल यहूदीराए याध्यान
भिम लिज्या । नल यहूदी पुजारीराए पाई धर्मलाव
यनर यादोज्याव । फरिसीराए स्यासो नोराए
धर्मसास्त्रनी मिँरालाइ यारापैज्याव ।

खाम (पाँ) : हिब्रु (यहूदीराए याखाम), ग्रीक - क्याएँ
देसकिन बाहेरदाडाव रास पाँसज्याव पाँ), ल्याटिन
(रोमीराए याखाम)



पाईं मिं भरी कराव खोलाक दुप्सिद यालिज्याव?



जेक्यांलाए तयार जैच्यो,
परमेस्वरए ओराज्याहुरिज्या ।

सारो जीवन सुरु दोचिके ।



परमेस्वरए न्याए ओरोवा
सिं खुंक भाद नैव ।



चाव सै माभाज्याव सिं भरी
पल्दधलैद मेंल ख्यासिन्या लेर ।



गे पाईपल्लिनव गेधुए । चाव
जीवन बाँचिधुन्या सु उलिज्याव?



होज । परमेस्वरए ओन्यानी सुज
पुलुसधुन्या मालेर । खाली डाछिनी तोबो
हरिज्या, नोए जेलाए जेयुंनी ज तोधुन्या ले ।

जे साचोज जेजीवन तोसिन्या जेपैकिन,
जेपाप मानिद, हुद रील सछैसिचिके ।



आव सारो जीवन सुरु दोन्याए जुंनी नपापनी फुर्सुल तादनले ।

खोलाकाव चाव था सथैज्यावलाए पाईए
रील सछैज्याव यूहन्ना है दोज्यार ।

डा मुख्यामिँमाक । डाते तोबोइ
जुँनी यम तयार डाजैज्या, जोए
परमेस्वर सु लिन्या गेलाई
सतैद यान्या ले । नोए जेलाई
परमेस्वरए ओआत्मा सोनो मेंए
सछैन्या ले । नितावनी जे पूर्ण
रुपल परिवर्तन तान्या जेले ।



हुकिन...नकिन




डा नकुईनी
सछैसिव परिज्या ।



नकिन स्वर्गतिन तोबो गा अई लिद थारज्या ।

हो ज, नुँ डाजाज ।
डा नुँलाई मया डादोनिज्या ।
हजैद डा नुँस खुसी
डालिज्या ।



नितावज दोचिके ।
नितावनीज गे परमेस्वरए
है उलिज्याव मिताव
दोधुन्या गेले ।



परमेस्वर गेवाबु नराज्या उहुक,
सोनो है नलिज्याव मिताव ओताक ।



रील सछैँज्याव यूहन्नाए ईसाएललाई खिष्ट उहुन्याए जुँनी तयार ओजैज्याव इश्वी सन्लाव सुरुलाव समय ज । ना बेलाक ईसाएल घेप्पा रोमी साम्राज्यए तोबो ओभाग वाज ओल्यो ।



ईसाएलल यहूदीराए यामी सुज माल्यो सोनो पाईए दबैद यारानैज्याव स्यासो डम्सिद लेर । मिँ भरीए येशु उहुन्या समय किँद नैर । नो पाईए गोपापक्याल्ल्याव येशुज, जो उहुन्यापाँ पराँदो यहूदी धर्मशास्त्रल सर्सिव लिज्या । आव खिष्टए परमेस्वरए ओन्यालाए सयोद्यान्याले ।

यर्दन भैल यूहन्नाए येशुए ओल्योदा ईसारा दोज्याव ।

चिउचिके, नो ज आव मानवातावराए यापाप हाइद ख्याद्याज्याव परमेस्वरए ओपाथा ।



दोसिउ यन भरील जस दैन्याए जुँनी येशुए परमेस्वरए मिराइ जरँनी थ रैद ओनैव यनलाइ सतैव पज्या । परमेस्वरए उइछा मिँभरी पापनी फुर्सुल घतारक लिन्या लिज्या ।

येशु नल चालिस दिन चालिस रात पै कताज माजिद, माओद लिज्या । पोंखारिद सोनो उपासिद डादोन्या यन कतालिन्या भन चावस था दैज्याव ।



अ परमेस्वर बाबु ! नुँ जो है नलिज्या, होज डादोया ।

मिँए मारुँसिधुन्या, चुमचुमोल राज्या दोज्याव शैतानस येशुए लरैँ दोज्याव । नो शैतानए सिन्या सोनो नाश जैन्यानी ज आव मानवात राज्या दोज्याव ।



खाली येशुए उसुतर शैतानए ,येशुए उर्युँल लोभ
भाद्याद परमेस्वरए ओयननी तुँदा लाँन्या उदिम दोज्याव ।

तुँ साचोज परमेस्वरए ओजा
ताकिन आउ लुँलाई भरेस जैके ।

माताए, अइलिद सर्सिउ लिज्या:मिँलाई
ज्यावए वाज माडाव, खाली नोलाए परमेस्वरए
ओयानीकाव बचनए ओचाहित लिज्या ।

तुँ साचोज परमेस्वरए ओजा ताकिन,
सतैके ! आउ ध्यानभिमए उतुपातिन
जो-निके । परमेस्वरए ओचाक्याराए
याकुई थॉदिरिज्यार है लिन्या
सर्सिउ उलिज्याव माक रो?

तुँ डाडाक फुलुप्सिद धो नदाँकिन
संसारलाव रँज्याव भरी नकुईत
जैद डाईया ।

नकिन सैतानए येसुलाई ओबातडज
रास्द ओख्यानैवत परमेस्वरए
ओचाक्यार हद येसुए ओसेवा दोज्यार ।



अइलिद पाला सर्सिउ लिज्या:
परमेस्वरलाई ताजाँचियो ।




(सैतान, डाडाकिन पुलुस्द बानिके ! अई
लिद सर्सिउ लिज्या:नप्रभु परमेस्वरए
ओडाक फुलुप्सिद होए ओसेवा वाज दोयो।



गालिल ल फर्किद उहुक येसु छैव पुरुसए
व्यालो ताज्या । येसु उत्तर खन्दलाव रँव
वस्ती लेव इस्रायलल हर्किके । येसु नल
आदाहोदा उलिक कृधु मिँर उछिँत हुज्यार
अगमबक्ताराए सर्द यानैज्याव मिताव
खिष्ट सँ येसु ज ओताव लिद सैन्या
इछ्छा दोदनैर ।



गालिल दाँदालाव तोबो काना यादोज्याव नाँखारल बिह्याताव पैज्याव ।



येसु पाला ओआमा सोनो ओनैरास
नो बिह्या ल यालिज्यावा





कफर्नहुम गालीललाव दह छेवकाव डा र दैसिज्याव तोबो नाँखार ज ।
आकिन येसुए मिँरालाए परमेस्वरए ओराज्यालाव पाँ र सथैन्यात थु सिज्या ।



हुकिन येसुए डाताव उसिसर आक ज याछानीज्याव ।



पत्रुस, नदोझा उर्जी ल्योदा
लाँद नजाल ख्याके ।



गुर्बा, तभरी भरी धामा दोद
पाला कातारज गेमापारैदुके ।



खाली नुँ ताए है नलिकिन....



कता ईताव ! धो पतिव डाताके ।



याकुब, यूहन्ना,
आदा हुचिन्के !
वनै ज कुधु डाँर
परिद लेर ।



प्रभु, डालाई रास्द ख्यानैनाके !
डा पापी ज ।

ताछेनी, पत्रुस !



डाछिँत हुचिके ।



डाछिँत हुचिके ! डा जेलाए मिँर
क्योन्या जलारीर डाजेचिरिज्या ।



येसुर उसिसरास गालील खन्द भरील
बाद पाईं मिंरालाए परमेस्वरए ओपां
यासथैक्यो । नल पाईं खाललाव याजोरो
हुव मिंरालाए यासगरांक्यो, माचाव
पुरुसनी फुर्सुल याजैक्यो । नो हँद मिंर
अचम्भ ताद उछिँत लागिकेर ।
इस्रायलए ओराजधानी यरुस्लेम सोनो
छुतो छुतो पो नी पाला मिंर हुद येसुए
ओपां याथैज्याव ।



धन्या यायूँल मासघ्योसिज्यावर,
स्वर्गताव राज्या नितावराए जुँनी ज लिज्या ।

धन्या, आख करेज्यावर । नोर स्वाँसीनीन्या
लेर सोनो यापैज्याव भरी योन्या ले ।



धन्या, आज्याल सोगोल लिज्यावर,
यायूँ होलाँ तान्या ले ।



धन्या, परमेस्वरए उयूँलाव मिताव येनत
याखिरी पसिद दुखर दैज्यावर, स्वर्गताव
राज्या नोराए जुँनी ज लिज्या ।



छुटोराए नुंस किताव व्यवहार
यादोक नजाँगर हुज्या नुं ब
होरास हिताव ज दोके ।



नसुतररालाए मया यादोके
सोनो नोराए जुंनी पाँखारिके ।



चाव यन मोसिवल दोके, हो
ताकिन नो मिरालाए सतैन्याए जुंनी
वाज दोसिव स्यासो माताया ।



जोए काताकाव मेंमालाए माचाव
पाप यूँ चिउज्याव, नोए डादाकिन
ज उर्यूल नो मेंमास माचाव यन
ओदो स्यासो ताज्या ।



जेक्याँताव बत्ती जेमी लिज्या । हजैद
जेमी चाव उलिकिन जेक्याँ भरी पलाँव
ज ताज्या । फेरी जेमी माचाव उलिकिन
जेक्याँ भरी चुमचुमो ल ज ताज्या ।



सुए पाला नेब्वो साहुनी निसेवा मादोधुव ;
हो मिताव ज परमेस्वरए ओसेवा सोनो
पैसाए ओसेवा तखेप्त मादोसिधुई ।



परातीकावए जुंनी सोग तादोयो ।
डात परमेस्वरए ओराज्या खिम्के,
हुकिन नुं पाईज दैन्या नले ।



डाँ हैडालेव मिताव जेदोकिन, जे नो मिं मितावर ज, जोए उभिम
घेप्पा पहर तर्त जैक्यो । खाली डापाँ जेमादोकिन ते जे नो मिं
स्यासोर ज तान्या जेले, जोए उभिम बालवा तर्त जैक्यो ।



तच्छा, येसुए उभिम कफर्नहुमल मिँर बनै कुधु हुद यालेव ।

गे भितरल गेमापसिधुए ।



थाला सोनो तै उलिकिन ताए ।

नो रोत कता
याजैज्याव ?



नोरालाए हुव याराएचिके ।
यायूँ हबोर लिज्यार ।



नपापनी फुर्सुल नताके ।

नो नथैव रो नुँ ? नोए
इताव कैजैद ओदोधुज्याव ।



नोए परमेस्वरलाई बरेज्याव ।

रमेस्वरए वाज पाईलाई
यापापनी फुर्सुल याजैदिज्याव ।

तोबो घ्याँस्यालाई कता है दोकिन
थिक ताके : नपापनी फुर्सुल नताके
है दान्या सैँ सोद बान्के ?



पापनी फुर्सुल जैन्या हक मसिहलाई
वाज लिज्या । खाली डा आउ पाला है
डादिँज्या : सोद नतैर सिमद बान्के ।





अचम्ब !

नो ओल्नीज वादुज्या !


दे ! डाते डावादुज्या !

खाली, येसुए ओयनस सुज खुसी
मालेर । येसुए नासिन्या छयामकाव
दिन ओमानिज्याव सैं ओमामानिज्याव
है लिद छोज्यार । ईसायलल आउ
दिन छयाम कता यन ज मादोन्या
है लिसिउ लिज्या ।



आउ ते उकुई थुँव मिँ चि ।
आछिमकाव छयाम सगराँव
ओदैसिज्याव रो ?

नुकुई पलास्के ।



दे ! डाते डागराँके ।

गे नोनी अलग
जैसिउ ज परिज्या ।

आउए पाईं मिँरालाए माचाहिउ
पाँर है दाद याबलेज्याव लिन्या
इसायललाव घेप्पा मिँरालाई है
दाव परिए ।



येसु दोङ्गाल उसिसरास गालिललाव दहदा वाज्यार ।



गुर्बा, काराव घाई नमालिज्याव ।
गे ते खदम ज गेतारिके ।



जे कराव जेछेज्याव ? परमेस्वरए
ल्योदा जेयुं माहुबोर जेलिज्याव रो ?





चिम दोके ।



नोराए यादोज़ालाए दह छेउक पोकेर । खाली दाँदात.....

रूर हा!

नो दाँदात माचाव पुरुसए क्योद
ओनैज्याव तोवो मिँ लिज्या ।




नो हुज्या ।

नो ! दे !



ए ए येसु !



माचाव पुरुस । नो मिँए
ओक्याँतिन पुलुस्द बान्के ।

पाइँरानी घेप्पा ओसक्ति
ल्योव परमेस्वरए ओजा,
डास नखै कता उलिज्याव ?



नमिन कता?


फौजी, काराव लेव
ताकिन गो कुधुज गेलिज्या ।




गेलाए नो ऊराए
याक्याँत बाव यासिके ।




वाचिके !






डा जेलाई है डादाचिज्या : परमेस्वरए ओजाए ओबातड कताज माजैधुव । नोए ते ओबाबुए ओजैज्याव चिउद किताव दोज्याव, ओल्व हितावज दोज्याव । डा पाला डानी कताज डामादोए, खाली परमेस्वरए उइछ्या अनुसार डादोज्या । डालाई पर्रिंज्याव ते ओलज ।




येसुए एकतार ज साईसुईव पोक बाद ओपोंखारिज्याव ।



तछा रीलाव पर्थना छिंनी येसुए १२ जना उसिसर याछानिक्यो । नकिन येसुए नोरालाई तोजोरा तोजोरा जैद यापरिंक्यो । येसुए नोरालाई माचाव पुरुसर पलेन्या सोनो पाईं जोरोर सगरांन्या हक याएक्यो ।



नोनी दुइभाइ पत्रुस सोनो अन्द्रियासनी ।



दुइभाइ याकुब सोनो योआनेसनी...



फिलिप सोनो नथानेल....

थोमस सोनो मत्ती - (नोनी डादा रोमीराए जुँनी सिर्मा निस्योज्याव)



थेदियस सोनो छुतो याकुब....



देसभक्ता है यादोज्याव सिमोन सोनो यहुदा इस्करियोत ।



बाचिके । जोए जेमान नैद याचिज्याव, होए डालाई डामान नैद याँज्याव, सोनो डालाई पर्रिँज्यावए ओमान नैद एज्याव ।



१२ जना उसिसर यायादो यन सोनो सेवानी याचित बुभिकद याफकिउत येसु नोरास ओबातड दैसिउ पैँज्याव, खाली मिँराए हुलए याबातड पाँव मादैकेर ।

अन ते कुधु ज लिज्या, खाली नल यन दोन्या मिँर छयाज लिज्यार ।
नोए जुँनी परमेस्वरलाई पाँखारीचिके, होताकिन यन दोन्या मिँर पर्रिँदयाचिवा ।





फरी व येसु पाँव यन याजोरो हुवरालाइ
सगराँव यन ओदोज्याव । नक बेला वानाके ।

फिलिप, आउ मिँ भरीराए कता ज्याव ज्यान्या?
नुँज कराव आउरालाई कतार नमाराएज्याव ?



आथ मैनाकाव कमाई दासिवए
पाला नो भरीलाई थैन्या माले ।

आक तोबो छोर्यास पाँछ गोता भरेस
सोनो नेब्लो डा लिज्या । ल्यो भरी नाज ।



मिँरालाई ५०/५० जनाकाउ
समुह जैद यारासोचैचिके ।




येसुए परमेस्वरलाई धन्यावाद चरैज्याव....



येसुए भरेस सोनो डा गेदैक्यो ।



येसुए ज्यावलाई ओबदैवत कुधु
हजार मिर्राए जिकेर ।



हुरिज्या हैयालिज्याव खिष्ट नोज ताख्यो ।

गे नोलाई राजा जैवज परिण ।



चिउचिसाँदी ! भरेस सोनो
डाए तुकुरा १२ भुर्नुयल्के ।



मिर्रालाई भिमदा परिर्न्या बेला ताके । जे दोङ्गात दह होफत
बाचिके । डा पौखारिन्याए जुँनी आउ दाँदातज डालिया ।





छिँनी.....



दे आउ ते भया ची ।
ताळेच्यो । डा ची ।



प्रभु, नो नुँज नलेउ ताकिन दासर डालाई
री तर्ताउ घ्याँ नलेउदा हुव एनाके ।
हुन्के पत्रुस !



प्रभु, डालाई वाँचैनाके ।



नुँ कराव सँखा नदो पत्रुस ?

नल येसुलाई राजा जैव पैज्याव मिंर लिज्यार । नोराए येसुए सासन उकुइत औरैकिन रोमलाइ यालेवदा जैव पैज्याव मिंर ब ननी पलेसिनिन्या लेर है लिन्या आशा दोद यानैज्याव । नाबेलाक येसुलाई सोज्याव मिंर बदिनाव यन ज यादोज्याव ।



गुर्वा, नुँ आक कतावेला नहुव ?

जेलाई डयाचिउ ज्यावए जुँनी रो डालाई जेसाप्नाज्याव ?

खेम्द बान्या ज्यावए जुँनी माक, खाली खर्कज माखेम्न्या अजम्बरी जुँनी याज्याव ज्यावए जुँनी धामा दोचिके ।



अजम्बरी जुनी याज्याव ज्याव ड़ाज, सोनो आव मानवाताव जुनीए जुँनी ड़ाराएज्याव ज्याव आव ड़ाकर्याँ ज ।



आव मिंए गोलाइ कैजैद ओक्याँज जिन्याए जुँनी ओयासिदुज्याव ?

मान्चाहिव पाँर !



हुचिके , गोबाया !

नोए पाइँलाइ याधुतैज्याव ।

जे पाला बाव जैपैज्याव माक रो ?



प्रभु गे सुए ओल्योक बान्या ? अजम्बरि जुनीलाव पाँर नुस ज लिज्या !

येसुलाइ मासहिधुज्यावर कुधुज तानाज्यार ।
हजैद गालिल पो रास्द ओपाँ थैज्याव, खेपा
मेंमारास लिद येसुए इस्रायललाव छुतो
पो जिदा ओयनर दोव यन ज दोज्याव ।

गालील

यरुसलेम

ईस्राएल

छिँनी नो यरुसलेम तुदा बाज्या ।



यमत याबाज्याक.....

मिराइ डा सु है लिज्यारकी ?

नोराए नुँ अगमबक्ता
है लिन्या जैज्यार ।



हुकिन जे नी?




जे डा सु है जेलिज्या कि ?



नुँ जिंदो परमेस्वरए ओजा ज, पाइँलाइ बाँचैज्याव ।



सुलाइ ज है तारादोच्यो । धो सहिउ दुखर दैन्या सोनो सिन्याए
जुँनी मसिहलाइ यरुसलेमदा बावज परिज्या । खाली ओपरान
ओबाव सोलात नो सिउनी सैसिन्या ले ।



रोम सहरकितन बाहेरदा एकतार ज मिँर यारासैज्यार ।



जोए डास हुन्या यूँ दोज्याव, होए उजिउए मया मादाद दिनकाव ज कुसत सिन्या मिताव दुखर सहिद डाछिँत उहुक ।



जोएआव उजिउत ओललाई तान्या वाज खिम्ज्याव, होए उजुनीलाइ समैन्याव । फरी जोएआउ उजिउत उजिउए मया मादोद डा डाजुँनी दोज्याव, होए जुनी दैरिज्याव ।



जे परमेस्वर तोवो वाज लिज्या लिन्या सैवज परिए ।



ओचाहित ल्यो पाँ आउज, जे जेयुँनीज परमेस्वरलाइ मया दोचिके । सोनो, जेक्याँलाइ किताउ जेसमारिज्या छुतोरालाई पाला हिताव मयाज यारादोच्यो ।



आ बेलाक इस्रायलल कुरी नाँखारर लिज्यार । कुरिस्न्या तोबो छालात तान्या रोग ज ।
आउ रोगए ओरादैव मिँरालाइ छुतो सोजोकाव मिँरास आदाहोदा ल्यो माराएर ।



कुरीर आदाहोदा यालिक, छुतो
सोजोकावरालाइ गेहुज्या हैलिद चोइस
किद सोर याराएज्यार ।

कुरी !
कुरी !



येसु ! गुर्बा ! गेलेउदा नयुँ ओनाक ।





बाद, पुजारीए ल्योक सतैसचिके ।



सतैसिना पुजारीए ओल्योक बान्या ?



? !



चिउनाचिके डाते डागराँके !



गे गेगराँके ! अँ ! होज !



हल्लेलुयाह ! प्रभु ओदया लेउ लिज्या ! धन्याबाद !



जे भरी पाईँ जैद १० जना जेगराँव माक रो ? तभार काना याबाव ? नोर परमेस्वरलाई धन्याबाद चरैना माहुर रो ?



सोनिके ! नयुँ उहुबोए सगराँन्या वाज माक, बाँचैद पाला नैनिव !

यरुसलेमलाव सेरराए येसु छुतो पोदा ओवाज्याक, उछिँ उछिँ उचिवा दोन्याए जुँनी मिँर यारापरिँज्यार । येसुए ओयनर रुँद नोर यारिस चोज्या ।

नो रोमीरास आदाहोदा जैसिज्याव पातर्नी मेंमा, सिर्मा स्योज्याव, माचाव यनर दोज्यावरास सिप सिप जैसिज्या ।

खिष्ट माँवरालाइ खिम्ना सोनो बाँचैना उहुव ज ।



येसुए नासिन्या छयाम ओरासगराँवए.....

गराँनिके !



हुकिन नोए लुजा बाँजाराइ ल्योदा उर्युं थु जैज्याव....

लुजा बाँजारालाइ डालेउदा हुव याराएचिके । परमेस्वरए ओराज्या इतावराए जुँनी ज ।



येसुलाइ यरुसलेम लाप्काव बेथानीया नांखारल किज्यार । नल लाजरस ओजोरो हुज्या । लाजरस, सोनो ओनाना ओबहिनी मार्था सोनो मरियमनीलाइ येसुए मया ओरादोज्याव । खाली येसु बेथानीयाल उहु पाइंनाज लाजरस सिद खादरल गादैदिकेर लिन्या थैज्याव



प्रभु, नुं आक नलेउताकिन डाभाइ सिन्या ओमाल्यो ।



मार्था, नभाइ सिउनी फरी सैसिन्या ले ।



होज डालाई था लिज्या । सिउरालाइ सोचैन्या छयाम नो बाँचिन्या ले ।



सिउरालाइ सोचैज्याव ब डाज, अजम्बरी जुनी याज्याव ब डाज । आउ पाँत नयुं उहुपजव रो मार्था ?



हैज प्रभु ! नुं आव मानुवात हुरिज्या है यालिज्याव परमेस्वरए ओजा ज लिद डायुं हुबोज लिज्या ।



जे नोलाइ काड्क गादैद जेनैज्याव ?

प्रभु, हुद चिउके !





यरुसलेमलाव हक दैवराए येसु सोनो उछिँत हुज्यावराइ याचिवा यादोज्याव ।



नो मिँए बनै अचम्ब अचम्बलाव यनर दोज्याव ।

गे इताव ज ताव गेएकिनते रोमीराए हुद सजै एन्या लेर ।



नोराए गेध्यान भिम सोनो गेदेसलाइ खदम जैन्या लेर ।

नुँज सुँचिके ! देसए जुँनी पाईज खदम ओताज्यावकिन ते तोबो मिँ उसिज्याव ज चाउ ।



आउए जुँनी येसु सिउज परिज्या ।

नावेलाकिन यहूदी सेरराइ येसुलाइ रोमीराइ ल्योदा सुँपिन्या दाँव याचिउज्याव । नोरास वाज मिँलाइ सैन्या हक उलिज्याव ।



येसु वेथानियाल उलिज्याक.....



मरियम !



नो चाउ सि डरो बस्त ! नो ते भागीलावए वाज लुँदिव !



बुरु नो रुप्या गरीबरालाइ गेराएकिन तान्या ओल्यो ।



नोलाइओवातडज ख्यानैके यहुदा । नोए ते डामोरोलाइ गादैनान्या छयामकावए जुँनी तयारी दोज्याव ।

निस्तार पर्व हरिज्या । कृधु मिंरं यरुसलेमदा बाज्यार ।



यरुसलेमल नेताराइ येसुलाइ
क्योन्या गुमुस्ता दोज्यार । हिताव
मनी येसु यरुसलेम सहरदा बाज्या ।





मिराए येसुए उमिन सघ्योदयाद स्वागत दोज्यार ।

चाउ !

चाउ !



परमप्रभुए उमिनत हुज्याव मिरँ धन्याकावर ज ।

इस्रायललाव राजा !



इतावए ते रे कताज रेमाजैधुए ।

पाइँ मानवाताव मिँभरी उछिँत बाज्यार ।

राजधानी सहरलाव ध्यान भिम परमेस्वरए उमिन सद्योद्यान्या पो ज ।



निस्तार पर्वल पाथार यारासैज्यार ।



मिरालाइ परमेस्वरस सखैन्याए जुंनी ध्यान भिमल पाथार याराचरैज्यार ।



खाली चरैन्याए जुंनी सभासिउ किताव खाल्या पाथाए नोरालाइ यापापनी फुर्सुल ओराजैधुज्याव ?



ध्यान भिम लाँक मिरँ लुँन्या, योन्या बेपारल बनै यामाधाज्याव ।



येसु पाला नक लिज्या



परमेस्वरए उभिम पोंखारिन्याए
जुंनी ची । खाली जे ते आउलाइ
चोरराए पुप मिताव जैद जेने ।



नो मिँ छयासो लिज्या ! मिँ
भरी ओपाँ थैन्यात लिज्यार ।



गे चाँदोज नोकिन फुसुल ताउ परिज्या ।



गे नोलाइ गेछकैधुकिनते क्योधुन्या
पाला गेले । हजैद सैव परिंधुन्या गेले ।

खाली पर्व बेलाक माँक । निस्तार पर्वत गे
छुतो कता समस्याज घमाताक है गेलिज्या ।



नोए जुँनी जे डालाइ खारुप्या यान्या ?

आउ ते यहुदाज,
येसुए उसिसरासकाव !



येसुलाइ डा जेल्योदा सुँपिन्या डाले ।



गे नुँलाइ तोबो बाँदाए ओए
हाकाव ३० गोता चाँदी गेइँया ।



नलाव सेरराए येसुलाइ अखत्या थाँद
याएदीम पाला निस्तार पर्वकिन
डादाडाव दिनर ध्यानभिम जिदा
मिरास पाँद ज विथैज्याव ।



नो रीम्क येसु सोनो १२ जना ओसिसर
निस्तार पर्वए जुँनी सहरल दुप्सिज्यार ।



आउ यन डा आछिम रिल डादोया ।





डा दुखर दैन्या भन्दा डादा निस्तार
पर्वलाव भतेर जेस ज्यान्या है डालेव ।



हक दैव मिँराइ छुतोलाइ यासेवा
दोन्या याराजैज्यार , खाली जेते
नोराकिन छुतो ताव परिए ।



पाइँए जेयन दोज्याव ज
पाइँए जेडैताव तान्या ले ।



पाइँए जेखार्ल डा तोबो जेयन दोज्याव मिताव ज ।



प्रभु, तोबो बाँदा मित्ताव जैसिद नुँ
डाखूर हर्द यान्या रो ? नित्ताव ते माताए ।

पत्रुस, नखुँ हर्द डामाएनिकिन
ते नुँ डाल्योदाडाव तान्या नमाले ।

प्रभु, हो ताकिन डाडै सोनो
डाकुइर ब हर्द एनाके ।

डादाज हर्सिधुवरालाइ तोबो
खुँ वाज हर्सिव परिज्या ।

जे डालाइ प्रभु सोनो गुर्बा है
जेदाँज्याव थिकज । किताव डा
जेखुँ हर्द डयाचिउ, हितावज जे
पाला हुनीहोदा सेवा दोसिचिके ।

जे भरील तोबोए डालाइ धोका यान्या जेले ।

खर्कज ओमाताक !

नो डाते माक ताख्यो रो ?

यहुदा, नुँ दो
नपैज्याव
चादोज दोके ।



जेजुनी दाद डायचिउ यन
मामेंन्याए जुनी इताव ज दोच्यो ।



आउ भरेस दोचिके, आउ डाक्याँ ज ।



आउ खुरीनी ओचिके, जेजुनी
डावगैरिज्याव डाभि आउज । इतावनी
ज परमेस्वरए जेस सारो वाचा पोज्याव ।



डा जेलाइ तोबो सारो आज्ञा डायचिज्या,
किताव डा जेलाइ मया डादोचिज्या,
हितावज जेपाला हुनीहोदा मया दोसिचिके ।



जेजेल इताव मया ओताकिन, पाई
मिँराइ जे डसिसरज लिन्या सैन्या लेर ।



प्रभु, नुँ जोदा नबाज्या, डा नछिँ
नछिँ होदाज डाहुया । नजुनी डजिउ
पाला भान्या डाले ।



पत्रुस, भाल्या कोन्या डाल नुँ डालाई
सांखेप पै डामासरेसे है लिन्या नले ।

नो रिम्दा छयावाक येसुर उसिसरास नो पो रास्ज्यार । नल यहुदा ते यास सिप माले ।

डा जेलाइ ख्यानैद डाबाज्या । हैतादिम डाबावुए जेखार्ल छैव पुरुस परिंद यान्या ले । डाबावु एकतारज जेस सिप सिप लिद जेलाइ सघैन्या ले ।

डा डाबाज्याव पोए ओयम जे जेसैज्या ।

यम व डाज, साचो पाँ व डाज, अजम्बरी जुनी याज्याव व डाज । डाकिन छुतनी सु ज डाबावुए ल्योड माकेस्थुर ।

जे आकज लेचिके । डा पोखारिन्याए जुँनी जाँवा हुकसी डाबाज्या ।

डाबावु, नयुँ ओताकिन आउ दुखर डाक्याँतिन वैदयाँके ।

हैदीव डा हैडालिज्याव मिताव माक, नुँ है नलिज्याव मिताव ओताक ।


इताव बेलाक पाला कैजेद जिमिँर उहुज्याव ? सोचिके !
झालाइ धोका याव पैज्याव मिँ आकज लिज्या ।



डा माईं डादोज्यावलाइ केउच्यो ।



अ गुर्वा !



प्रभु ,गे आउरास गेखप्पी रो ?



यहुदा, माईं दाद खिष्टलाइ
धोका नएरिज्याव रो ?

माक !



येसु, नोराए कुइतिन क्योसिज्या,
हजैद उसिसर पाईंदा धोनाज्यार ।



नकिन येसुलाइ क्योद यहुदीराए याडैताव, प्रधान पुजारीए ओल्योक लाँज्यार ।
पत्रुस सोनो योआनेसनी जाँ तादानी याछीं याछीं बाज्यानी ।



पत्रुस चोक तुदा बाज्या ।



नुँ नोस नलेव माक रो ?



अहँ डा नोलाइ
सरेसज डामासरेसे !

नुँ पाला नोरसकाव ज रो ?



माक ।


डालाइ था लिज्या ! नुँ तोवो गालीली, नक नल्यो ज ।



नुँ कै नलिज्याव डाते
कताज डामासैए ।



कु खुरी काँ...



आछिमकिन होदा....



नुँ परमेस्वरए ओजाज रो ?



गोलाइ है दासिके, नुँलाइ सुए ओपोनीव ?



छकाल्त्या येसुलाइ यहुदी सेरराए याकचरील रैज्यार ।

नुँ है नलज्याव मिताव ज ।

नुँ परमेस्वरए ओजा ज रो ?



परमेस्वरए उमिन बलेदेक्यो !
नो सिउज परिए । रोमीरालाइ
आव यन दोव याव परिए ।

येसुलाइ रोमी हाकिमए लेउक लाँज्यार । नल भाल्सिना हुव
मिँरालाइ यहुदीराए यासेरराए यारामचैज्यार । हजैद नोराए
येसुलाइ माचाहिव पाँर है दाद बनै चोइस किज्यार ।



नउपर्ताव आव पाईं खतराए जुँनी
नुँ कै नलिज्या ? कैज मालिन्या रो ?



नुँ कता नजैव ?

डा साचो पाँए
ओसाची एना डाहुव ।



साचो पाँ कता ?

डाते नोए ओक्याँत खत कताज
डामादैए । आउ निस्तार पर्वल
सुलाइ रास्न्या ; बारब्बालाइ सैं
यहुदीराए याराजालाई ?





वारब्बा !

वारब्बा !




खाली आउ येसुलाइ डा
कै जैन्या जेपैज्याव ?

कुसत तड्गैचिके ।

नोए राजा डाज
है लिन्या जैज्याव !

नोलाइ नरास्किन नुँ
कैसरए ओनै तान्या नमाले ।



नोए ओपोल भयालखाननी नुँ पुलुस्न्या नले ।

वारब्बालाइ रास्ज्यार । नोए ओडैत सरकारीकन तुँदा
जैसिद तोबो नेब्लो मिँरालाइ सैद ओरानैव खत उलिज्याव ।





३७,३८,३९ !



आउए उभि डालाइ तालागिस्क ।



यहुदीराए याराजालाइ धो लिज्या !





नकिन जाँवाक, ओदोव यनए जुँनी
यहुदाए मादोन्यायन चि डादोकेसा
लिद उर्युँ कता माती जैज्याव ।

डा डाबिरैके ।



डाते ओखत माल्योलाइ धोका डाएके ।



नोस गेलाइ कता ?
नो ते जे जेसमस्या ची !



येसुलाइ नेब्लो अपराधिनी निखार्ल जैद सुसु याकुसत यारातङ्गैकेर ।

डाबावु, आउराए कता यादोज्याव
मासैर, आउरालाइ क्षमा याएयो ।

सोम्लो खामनी तोबो फल्यात 'आव नासरतलाव येसु, यहुदीराए याराजा ज' लिन्या सर्द येसुए उकुसत चद एज्यार ।



येसुलाइ हुर्न्या मेल जैन्या वास भासिउ दाखमद्य ओव यापरीक ओव माभैए ।



सिपाइँराए येसुए ओक्वालाइ गोला भाज्यार ।



अँ होज ! आउए छुतोर ओमाराबाँचैव रो ?



नुँ साचोज परमेस्वरए ओजा ताकिन नो कुसतिन हाइसिद हुन्के ।

नुँ नक्याँलाइ सोनो गिनलाइ व बाँचैसिन्के ।

परमेस्वरए ओछ्यास मानिके । गिन्ते गिन्दो यनए ओसजा दैद गिन्नै । खाली आउ मिँए ते माचाहिव यन कताज ओदोव माले ।



नराज्याल नपसिक डालाइ व तामेनायो ।



नुँलाइ साचो है डादिंज्या, आछिमकिन ज नँ डस स्वर्गत नतारिज्या ।

नकिन १२ बजेकिन तीन बजै पै
देस भरी काल्या कले भयाके ।

येसुए ओआमा मरियम सोनो ओचेला
योआनेसनी कूस लापुक च्याँसिद लिनी ।

आवकिन जिन ज जामा नी ।



अ डापरमेस्वर, डापरमेस्वर,
डालाइ कराव नरास्नाव ?



री डाछोस्ज्या !



डाबाबु, डापरानलाइ नकुइत डासुँपिज्या ।



आव....पाइँज खेम्के ।

लाकाउ तिन बजे येसुए ओपरान बाज्या ।
तोबो सिपाईए येसुलाइ ओकोखाल भालाए घोंचैद
एज्याव, हजैद ननी री सोनो भि बगिद बाज्या ।



धर्मशास्त्रल इताव सर्सिउ लिज्या :
नोलाइ सैना लाँकाव पाथा मिताव
जैद लाँकेर ।



गेपापए जुँनी नो पोसिनिके सोनो
भालाए घोंचैसिनिके । खाली आखते
ओपरान बाके ।




हरिज्याव सखष्ट नोज
ओलेउ सैं माक ओताव ?



अरिमाथीया सोनो निकोदेमसनी येसुए आमोरो लाँद बनै चाव
सि डरो जरार भाद क्वाए लुम्बैद खादरल भाकिनी । हजैद
ओयात बनै घ्योव लुँए कद एज्यानी ।



हुचिके, आउ ओमोरोलाइ गादैव
गेमादैके लिये गेरासुधिनाया ।



नासिन्या छ्याम निस्तार पर्व बेलाक,
येसु उसिउ हैलिद शोगल लिज्याव
मैमार नो ओयात घेप्पा लुँए क सिउ
खादरक बाज्यार



लुँते बैसिउ चि लिज्या ।

जिँदोलाइ कराव सिउराइ याल्योल
जेसाप्याव ? नो ते सिउनी सैसिद ले ।
जे बाद उसिसरालाइ है यारादोचिके ।



निताव थैद पत्रुस सोनो योआनेसनी
खादरदा धोँनाज्यानी ।



कै ओताव ?

आउ ते रितोज चि लिज्या ।





खादर लाफ्काव बगैचाल....



अ मेंमा, नुँ कराव नघर्ज्याव ?
सुलाई नसापुज्याव ?



दाज्यु, येसुलाई नुँ आनी
हाइद नलाँव रो ?



मरियम !




गुर्वा !



डालाई ताछ्ण्णाच्यो । डामाडरालाई है दाद
याँच्यो, डा डबावु सोनो जेबावु, डापरमेस्वर
सोनो जेपरमेस्वरए त्योदा डबाज्या ।

नो छयाम येसुए नेव्लो उसिसनी येसुलाइ कुसत यातङ्गैव पाँर यमत बाज्याव तोबो मिँस पाँज्यानी

हो ताकिन जे अगमबक्ताराए यापाँत जेरुँ माहुवे रो ? खिष्टए जगैमरैव ओराज्याल पसिन्या भन्दा डादा दुखर दैन्या ओचाहित ओमाल्यो रो ? आउ पाँ भरी धर्मसास्त्रल सर्सिउ लिज्या ।



नोराए, ज्याव याजिज्यावत ज उमुँजानी यापाहुना समैसिज्या...

खाली नोते ओल येसुज ओल्यो ।



नोर हतप्त ज येसुए छुतो ओचेलारालाइ साप्ना बाज्यार ।

रो प्रभुलाई गरेरुँके ।



मरियम सोनो पत्रुसनी पाला रँकिनी ।

उमुँजानी...

जेरुँ होलाँ ओताक !




आउ डाज लिन्या जेमापतिए रो ? डाकुइर सोनो डाखुँर चिउचिके ।




डाप्रभु, सोनो डापरमेस्वर ।

नकिन ४० दिनपै येसु उसिसराइ डाक सतैसिज्या । तखेपतज ५०० जना मिँराइ डाक पाला सरैसिज्या । तछा तभा उसिसराइ गालिललाव समुन्द्रल डार याराक्योज्याव.....





पत्रुस, नूं झलाई साचोज मया नदोनाज्याव रो?



येसुए पत्रुसलाई सोंखेप पै
आउ ज सुधिज्याव ।



अं प्रभु, डा नूंलाई मया
डादोनिज्याव नूंज नसैज्या ।

डाभेदारालाइ चाउस याराचिउचिके ।




डाछिंत हुचिके ।

नाम नमलाव हकभरी परमेस्वरए डाकुइतज याद
नैनाव । है जैद जे बाद पाईं जातलाव मिंरालाइ
डासिसर जैद डाबाबु परमेस्वरए उमिननी, डा
ओजाए डामिननी, छैव पुरुसए उमिननी सछैद,
डा जेलाइ किताव किताव डापैचिउ, जे होरालाइ
मनी हितावनी ज यारापैच्यो ।



आउ पांलाइ याका दोच्यो । आउ जुक
ओमाखेमा पै डा जेस ज डातारिज्या ।



आउ पांर ओपांवत येसु नमदा छिंसिज्या ।
खाली येसुए फरी फकिंद पाईंए न्या दोन्या
डाहुरिज्या है पाला लिद ले ।

येसु ओबाव त उसिसराइ पोंखारिउ
यनज यरुसलेमल किंद नैज्यार । छैव
पुरुस नोराइ याक्यांत हुज्या । येसुए
ओक्यांताव छैव पुरुस आव नोराइ
याक्यांत ब हुज्या । नोए नोरालाइ
सारो मिं तान्याए जुंनी सोनो येसुए
ओसाची यान्याए जुंनी घ्योव घ्योव
सक्तिर याएज्याव ।

येसुलाइ खादरल कताएव मानैधुक्यो ।
परमेस्वरए फरी नोलाइ सिउनी
सोचोइद सिउका सिउ तान्यानी
उस्कैद प्रभु सोनो पाईलाइ पापनी
फुर्सुल जैज्याव उद्वारकर्ता जैकेव ।



पाँइंए माचाहिव पाँर है यारादोज्यावत पाला
येसुए उसिसराए चाव था सथैन्या मारास्केर ।

येसु परमेस्वरए ओजा ज ।



आउ था चिथीरानी पाला सतैसिउ लिज्या ।

येसु कूसत तज्ञैसिद गेदोव
पापभरी ओल्लज घुदर्यासिक्यो ।
हजैद गे पाप दान्यात सिधुव
मितावर ताद आबकिन
परमेस्वरए उयुंलाव मिताव
यनर दाव परिए ।

आ बेलाक, येसुए ओपांत वाज्याव
पाईं देसलाव मिंभरी पोंखारिन्या
सोनो वाइबल परिन्याए जुंनी तोबोक
दुप्सिज्यार । नोर येसुए याजुंनी
ओदोव यनर सोनो कूसत सिन्या
मिताव सजार ओदैव छयामलाइ
चेतैन्याए जुंनी भरेस केद खुरीनी
सिप्ज ओज्यार । नोरालाइ परमेस्वरए
यायुंल भाद नैद ओराएज्याव ओमया
स्यासो छुतो मिंलाइ पाला गरादोरक
लिन्या परमेस्वरए उयुं लिज्या ।



परमेस्वरए मिँराइ याक्याँत
दोन्या है लिद थ रैद ओनैव
यनर येसुए सयोद नैव ।



येसुए गेलाई मया दासिज्याव ।
हजैद धन्याबादी ताद उमिन
सघ्योद एचिके ।



परमेस्वरए आव मानवाताउ मिँरालाइ उयुँ नाद तोबोका तोबो ओजा ब याएक्यो ।
है जैद जोए नो ओजालाई उयुँ हुज्या, नो कै मै माताद अजम्बरी जुनी दैन्या ले ।

बाइबल

येसुए ओपाँर सोनो ओयनर धर्मसास्त्र बाइबलल सर्सिउ लिज्या । बाइबल हाकाव कुधु पाला कताकाव किताबर ज यापरिव माले आखपै पाईए । आउ पाई पोस्तोकोर लेउ तोबो घेप्पा पोस्तोको ज । आलाउ पाई पोस्तोको सन्या जुंनी १५०० बर्ष ओलागिउ लिज्या । १९०० बर्ष डादा आउ बाइबल तयार ओताव । आल येसु मिँरास लिद ओदोव बनै अचम्बलाव यनर सतैसिउ लिज्या । आलाव सर्सिउ येसुए ओसास्तररानी ज परमेस्वर सु लिन्या चाउस था ताज्या ।

येसुए उमिँ इतिहास

बाइबललाव ४ गोता पोस्तोकोल येसुए ओजीवनलाव पाँर सर्सिउ लिज्या । नोर येसुए ओपालाक याल्यो । हजैद नोरालाइ आउ मिनर यासिउ ओल्यो ।

१. मत्ती : आउ येसुए उसिसज । नाबेलाक आउए सिर्मा स्योन्या यन दोव । हजैद आउए येसुए इस्रायलीरास किताव व्यावहार ओदोव लिन्या सर्द नैव । (यहुदी)

२. मर्कूस : येसुए ओदोव अचम्बलाव यनर आउए सर्द नैव । येसुए नल ओयनर ओदोज्याव बेला मर्कूस धापाजाकाव ओल्यो ।

३. लूका : आउ तोबो दाक्दर यन दोज्याव मिँ ओल्यो । खाली नो येसुस बनै खदेप ओमाल्यो । नोए पास्तोकोल येसु कितावनी मिँरास सिप सिप लिद यनर ओदो लिन्या सर्द नैव ।

४. यूहन्ना : आउ येसुए उसिस ज । आउए येसु सु लिन्या सर्द नैव । येसु परमेस्वर ज । नो मिँरालाइ पापनी फुर्सुल जैन्याए जुंनी आव मानवात मिँ मिन्सिद उहुव ।



येसु उजर्मिउ

येसुए ओआमा मरियम रे मादोव ओल्यो । येसु ओजर्मिउ बेलाक पै पाला नो कन्या ज ओल्यो । खाली येसु जर्मिन्या ते परमेस्वरए थ रैद ओनैव । इताव अचम्बलाव पाँर डादा ज पोस्तोकोल सर्सिउ ओल्यो । येसुए ओजर्मन छुतो सुरूप सोनो बनै यामिन थासो मिँरास्याव माताके । खाली नेते हाइ गोथल जर्मिके ।

येसुए अचम्बलाव ओयनर

येसुए बनैज अचम्ब अचम्बलाव यनर ओदो लिज्या । धर्मसास्त्रल चिउकिन येसुए ४० गोता किन पाला कुधु अचम्बलाव यनर ओदोव लिज्या । इताव अचम्बलाव यनरानी येसुए मिँरालाइ सुख सोन्तोक जैन्या सोनो परमेस्वरए ओसक्ति, ओमयार मिँराइ गसैरक लिन्या उयुँ लिज्या ।



येसु उसिउ सोनो सिउनी ओसैसिउ

येसुलाइ कराव यासैव ?



आउ पाँर धर्मसास्त्रल सर्सिउ लिज्या । मिँराइ यादोज्याव माचाव यनराइ परमस्वरए उर्युँ घर्ज्या सोनो निताव रूँद परमेस्वर रसिज्या । निताव माचाहिव यनलाइ ज पाप है दोज्यार । नो पापइ मिँरालाइ परमेस्वरकिन तुँदा यालाँज्याव । हजैद नोए जुँनी ज येसु आव मानवात उहुव । येसु ओल्ज आव मानुवात मिँ मिन्सिद हुद गोपापए सजा ओल घुर्दयासिक्या । नो सिन्या सजा ओल्यो । हजैद येसु मिँराइ कुइतिन सिके । आव फिरी परमेस्वरस तोबो गेताइ । खाली नोए जुँनी गोपापनी क्षमा निव परिए । येसु सिउनी व सैसिके । परमेवरए नोलाइ फरी जिँदो जैक्यो ।

येसु आव परमेस्वरस लिज्या । हजैद येसु गेस नै जैसिद गेलाइ मया दोसिज्याव । गेलाइ चाउ जुनी बाँचिन्या जुँनी ओसगैसिक परमेस्वरए खुसी ताज्या ।

पोंखारिन्या

जे जेमी जुनील कता मादोन्या यनर दाद जेनैदिब, परमेस्वरस क्षमा निन्या जेर्युँ ओताकिन, इतावनी पोंखारिच्यो ।

परमेस्वर, नुँ डालाइ मया नदोनाज्या ।तोबोका तोबो नजा व गेजुँनी ज परिँद नयासिके । डा ड़ादो पापराए जुँनी नो कुसत तङ्गैसिनिके ।माचाव यनर ड़ादोरानी ड़ालाइ क्षमा एनायो । नुँलाइ बनै धन्याबाद लिज्या, येसु ड़ास उलिज्यावए जुँनी ।ड़ालाइ नपासल ज नैनाके ।

नुँ नर्युँलाव मिताव यनर दोन्याए जुँनी ड़ालाइ नसगैना रो ?

जोक व ड़ास सिप सिप ज नलिया रो ?

आउ ड़ापोंखारिज्यावर थैद सयोद नएनावए जुँनी नुँलाइ बनै धन्याबाद ।

नुँ कता नथरैज्या, होज नजैज्या ।

येसु सोनो नुँ

येसुए ओजीवनलाव साचो सास्तरर चाउ थास खेमो लिज्या । आख सोनो डादाकिन ज येसु बनै घ्योघ्योव रास नैमें जैसिके । आव मानुवा आख डादाडावकिन छुतो ज लिज्या । मिँर आज्याल घोरा खचर जिदा माबारिद बस, हवाइजहाजल आदाहोदा लिज्यार । हैदिब इतावए ते येसुलाइ कताज फरक मापारैव । येसु डादा इस्रायलल किताव ओल्यो हितावज गेस ब लिज्या । नोलाइ सुएज पाखात यामारुँदीम पाला ओलते साचो ज लिज्या । आछिम येसु नुँस नै ताव पैज्याव । नुँ येसुए ओपाँ थैद नयुँ ओल्योदा जैयो ।

येसुए ओपाँर फरी थैद ओलसकाव जुनी किताव लिद सैन्या नइछा उलिज्याव रो ?

येसुस काव जुनीए रोर फरी थैन्या नयुँ उलिज्याव रो ? होए जुनी मेलाव सर्सिउ यनर दोके ।

१) नुँज धर्मसास्त्र परिन्या सुरु दाके । - लुकाए ओसरो था परिन्के)

२) पोखारिके । - (परमेस्वरस पाँनिके, ओपाँ थैके)

३) धर्मसास्त्र सोनो येसुए ओरोर छुतो ननैरालाइ यासथैके । (येसुए ओपाँत बाज्यावर, हुनीहोदा दैसिद अर्थैसिद युँ होलाँ गजरैक लिन्या येसुए उइछा लिज्या)



Translator Name : Chhimpun Magar

Publisher : KRISTALAYA MERCY MISSION

Printed : Kristalaya Printers

Text and illustrations : Willem de vink

Copyright 1993 Stitching Wereldtaal, Houten, The Netherlands,

Published in Dutch as " Jesus Messias". Edition in Kham Magar 2022 : ISBN : 978-94-93178-74-8

Digital copyright under the terms of the Creative commons BY-SA licence.

All right of translation, reproduction and adaptation reserved for all countries.

Worldwide co-edition organized and produced by: Wycliffe Netherlands,

E-mail : jmpbnortheast@gmail.com

येसु खिष्ट

आउ येसु खिष्टए ओजिवनलाव साचो सास्तर ज । २००० बर्ष डादा येसु इस्रायलल ज ले । नोस दैसिज्याव भरी अचम्ब ज तार । नोए ओदोव मिताव यनर आखपै सुएज मादोतार सोनो ओपाँज्याव मिताव सुएज मापाँतार । जो पोल येसु बाए, होल अचम्बलाव यनर ओताज्याव । नोए ओपाँ थैज्यावर रेंद यारुँ होलाँ ओताज्याव । खाली नाकिनज पाईं खेम्के सा लिन्यास्याव ताके । येसुए ओडैत रसिज्यावराए येसुलाइ सिन्या सजा एज्यार । खाली आकिनज पाईंते माखेम्के । आव आवकिन डादा जेज परिद येसुए ओयनर किताव, कै जैद पुरा ओताव लिन्या सैच्यो ।



Language : Kham Magar

ISBN : 978-94-93178-74-8